



Møtebok

for

Råd for menneske med nedsett funksjonsevne

Møtedato: 16.03.2017
Møtested: Kommunestyresalen og Skageneset
Møtetid: 11.30 - 15.00

Møtedeltakarar	Parti	Rolle
Jannicke Helland		Utvalseiar
May Britt Vågenes Gjerde		Nestleiar
Johannes Kolås		Medlem
Mai-Liss Sylta Møn		Medlem
Anna Hella Kartveit		Medlem

Forfall	Parti	Møtande varamedlem
Berly Hella		Gro Borgund

Andre møtande:

Sekretær Jan Torry Sande

I sak 006/2017 møtte rådmann Jarle Landås, kommunalråd Mette Fauskanger, politisk sekretær Arthur Kleiveland.

Underskrifter:

Jannicke Helland
Leiar

Jan Torry Sande
møtesekretær

Sakliste

Saknr	Tittel
001/2017	Godkjenning av innkalling og sakliste
002/2017	Godkjenning av møtebok
003/2017	Meldingar og referatsaker
004/2017	Aktivitetstilbod/møteplass for menneske med nedsett funksjonsevne i Radøy
005/2017	Psykiatriplan for Radøy
006/2017	Samarbeidssaker råda og formannskapet

Radøy kommune

Saksframlegg

Saknr	Utval	Type	Dato
001/2017	Råd for menneske med nedsett funksjonsevne	PS	16.03.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/432	17/2635

Godkjenning av innkalling og saksliste

Saksopplysingar:

Innkalling og saksliste vert godkjend.

Råd for menneske med nedsett funksjonsevne - 001/2017

RMNF - handsaming:

Jannicke Helland og Mai-Liss Sylta Møn er ikkje politisk valde til rådet, og skal difor ikkje ha partitilknytning.

Rådet godkjende innkalling og saksliste med tillegg sett fram i møtet.

RMNF - vedtak:

Innkalling og saksliste vert godkjend, med tillegg sett fram i møtet.

Radøy kommune

Saksframlegg

Saknr	Utval	Type	Dato
002/2017	Råd for menneske med nedsett funksjonsevne	PS	16.03.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/432	17/2636

Godkjenning av møtebok

Saksopplysingar:

Møtebok vert godkjend

Råd for menneske med nedsett funksjonsevne - 002/2017

RMNF - handsaming:

RMNF godkjende møteboka.

RMNF - vedtak:

Møtebok vert godkjend

Vedlegg:

Møtebok - RMNF

Radøy kommune

Saksframlegg

Saknr	Utval	Type	Dato
003/2017	Råd for menneske med nedsett funksjonsevne	PS	16.03.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/432	17/2632

Meldingar og referatsaker

Saksopplysingar:

Invitasjon til konferanse 2017 (sjå vedlegg)

Anna Hella Kartveit orienterer om konferansen som markerte FN sin internasjonale dag for funksjonshemma.

Meldingar og referatsaker vert tekne til orientering

Råd for menneske med nedsett funksjonsevne - 003/2017

RMNF - handsaming:

FN-dag for funksjonshemma: Anna Hella Kartveit orienterte om FN sin internasjonale dag for funksjonshemma.

Universell tilkomst rådhuset: Ein rullestolbrukar i rådet vart hindra i å koma seg til møtelokalet i kommunestyresalen på grunn av feil ved heisanlegget. Vedkomande kom seg inn i lokalet ved hjelp av eige hjelpemiddel. Rådet ber om at det vert gjort tiltak som gjer at slike hendingar ikkje skjer igjen.

RMNF tok meldingar og referatsaker til orientering med tillegg av det som vart sett fram i møtet.

RMNF - vedtak:

Meldingar og referatsaker vert tekne til orientering, med tillegg av det som vart sett fram i møtet.

Vedlegg:

Konferanse 2017

Program Temadag 2017 RMNF

Radøy kommune

Saksframlegg

Saknr	Utval	Type	Dato
004/2017	Råd for menneske med nedsett funksjonsevne	PS	16.03.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/188	17/2626

Aktivitetstilbod/møteplass for menneske med nedsett funksjonsevne i Radøy

Saksopplysingar:

Bakgrunn

Mental helse Radøy og Austrheim har sendt to saker til Råd for menneske med nedsett funksjonsevne den 20. januar 2017. Den første saka omhandlar aktivitetstilbod og møteplass for brukarar innanfor psykisk helse.

Brevet er klypt inn her:

Aktivitetstilbod/møteplass for brukarar innanfor psykisk helse.

Hausten 2016 starta det opp eit aktivitetstilbod - Aktiv Saman – to dagar i veka. Etter kort tid vart tilbodet redusert til berre ein dag i veka. Etter det me kjenner til, vart dette gjort grunna mangel på ressursar i Avdeling for psykisk helse. Me stiller oss undrande til at dette ikkje vart sett då planlegging og prosjektering av tilbodet vart gjort. Vart kapasitet og ressursar endra på nokon måte berre få månader etter at tilbodet starta opp? Me har forståing for at det kan vere vanskeleg å føresjå ein del ting i forkant, og at endringar kan skje. Men slik me ser det, er det ikkje bra å ta noko i frå brukarane i eit tilbod som har vore ønska lenge, og særskild ikkje så brått, berre kort tid etter at det kom i gang. For lite ressursar, som redusering av tilbodet vart grunna med, er ei årsak som me gjerne skulle fått vite noko meir om. Kva for ressursar er det ein snakkar om? Har Avdeling for psykisk helse for låg bemanning til at dei kan bruke tid på å ha aktivitetstilbodet ope to dagar i veka? Er det tilbodet i seg sjølv som er for dyrt (leige av lokale, mat og drikke, innkjøp av materiale og utstyr til ulike aktivitetar ein kan drive med)? Er det fordeling av ressursbruken som er utfordrande å få til?

Korleis vert ressursane generelt i Avdeling for psykisk helse fordelt?

Me har fått nokre tilbakemeldingar frå dei som nyttar seg av tilbodet Aktiv Saman, og det me har fått høyre er at dei syns det er eit bra tilbod.

Me stiller oss spørsmålet om kor mykje brukarane har vore og er involverte i å utforme tilbodet Aktiv Saman. Har brukarane ein reell moglegheit til å påverke korleis det skal vere? Er brukarane nøgd med eit tilbod som har ope berre ein dag i veka? Og fekk brukarane høve til å uttale seg og seie si meining om at tilbodet skulle reduserast? Fekk dei høve til å vere med på å sjå om ein kunne løyse dette med ressursmangelen på ein måte som gjorde at ein

*gjerne ikkje måtte redusere opningstida? Fekk dei høve til å komme med forslag til løysing?
Har aktivitetstilbodet Aktiv Saman reell brukarmedverknad?*

Me håpar at RMNF kan hjelpe oss med å få nokre svar frå kommunen i denne saka.

Rådmannen sitt framlegg til vedtak:

Saka vert lagt fram til drøfting utan forslag til vedtak.

Råd for menneske med nedsett funksjonsevne - 004/2017

RMNF - handsaming:

RMNF drøfta saka.

Det vart sett fram følgjande framlegg til vedtak:

RMNF ber administrasjonen svara på spørsmåla som kjem fram i brev frå Mental Helse Radøy og Austrheim av 20. januar 2017.

RMNF vedtok samrøystes framlegg til vedtak sett fram i møtet.

RMNF - vedtak:

RMNF ber administrasjonen svara på spørsmåla som kjem fram i Mental Helse Radøy og Austrheim sitt brev av 20. januar 2017.

Vedlegg:

Psykisk helse - møteplassar og psykiatriplan - Saker til Råd for menneske med nedsett funksjonsevne
Brev til RMNF (1)

Radøy kommune

Saksframlegg

Saknr	Utval	Type	Dato
005/2017	Råd for menneske med nedsett funksjonsevne	PS	16.03.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/188	17/2631

Psykiatriplan for Radøy

Saksopplysingar:

Bakgrunn

Mental helse Radøy og Austrheim har sendt brev 20. januar med to saker dei ønskjer at Råd for menneske med nedsett funksjonsevne skal handsama.

Under er den delen at brevet om handlar om psykiatriplan klypt ut:

Psykiatriplan for Radøy

Me har i mange år etterspurd ein ny psykiatriplan. Etter det me veit, gjekk Radøy sin førre psykiatriplan ut i 2007 (!) og det har enno ikkje komme ein ny plan «på bordet.» Me har gjort fleire forsøk på å komme i dialog med kommunen om dette, der me er klare på at i utarbeiding av ein slik plan, skal det vere brukarrepresentant(ar) med heilt i frå startfasen. Me har ikkje lukkast med å få i gang ein skikkeleg dialog, og ein ny psykiatriplan let vente på seg. Me syns at dette er for dårleg. Radøy kommune har altså drive ei avdeling for psykisk helse utan psykiatriplan i 10 år! Korleis kan ein drive forsvarleg og ha oversikt og fordele ressursbruk utan å ha ein god plan – ein eigen psykiatriplan? Syner til Sak 1 i skrivet; kunne kommunen ha gjeve eit enno betre aktivitetstilbod dersom dette hadde vore forankra i ein psykiatriplan?

Me vil setje pris på om RMNF kan ta opp denne saka og hjelpe oss med å leggje press på kommunen for å få på plass ein psykiatriplan.

Rådmannen sitt framlegg til vedtak:

Saka vert lagt fram for drøfting utan framlegg til vedtak.

Råd for menneske med nedsett funksjonsevne - 005/2017

RMNF - handsaming:

RMNF drøfta saka.

Det vart sett fram følgjande framlegg til vedtak:

RMNF ber administrasjonen gjera greie for manglande psykiatriplan med særleg omsyn til korleis kommunen kan driva "ei avdeling for psykisk helse utan psykiatriplan i ti år".

RMNF vedtok framlegg til vedtak sett fram i møtet.

RMNF - vedtak:

RMNF ber administrasjonen gjera greie for manglande psykiatriplan med særleg omsyn til korleis kommunen kan driva "ei avdeling for psykisk helse utan psykiatriplan i ti år".

Vedlegg:

Psykisk helse - møteplassar og psykiatriplan - Saker til Råd for menneske med nedsett funksjonsevne
Brev til RMNF (1)

Radøy kommune

Saksframlegg

Saknr	Utval	Type	Dato
004/2017	Radøy eldreråd	PS	16.03.2017
006/2017	Råd for menneske med nedsett funksjonsevne	PS	16.03.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/434	17/2648

Samarbeidssaker råda og formannskapet

Saksopplysingar:

Bakgrunn

I budsjettet for 2017 har kommunestyret lagt inn følgjande verbalpunkt:

Radøy kommune skal styrka og vidareutvikla samarbeidet med Eldrerådet, Råd for menneske med nedsett funksjonsevne og pårørande.

Med utgangspunkt i dette verbalpunkt i budsjettet vert det invitert til eit samrådsmøte mellom formannskapet og dei to råda, der det vert lagt opp til ei drøfting av aktuelle tema og innspel som medlemene i rådet ønskjer å ta opp.

Både eldrerådet og råd for menneske med nedsett funksjonsevne kom med innspel i budsjetthandsaminga i haust. Dette er tema som kan inngå som ein del av drøftinga mellom råda og formannskapet.

Råd for menneske med nedsett funksjonsevne kom med følgjande innspel til budsjett for 2017:

- Baderampe for rørslehemma ved badeplass – BOF set ikkje opp rampe utan handicap-toalett er på plass. Kommunen må få fortgang i denne saka – baderampe er eit lenge omsnakka prosjekt.
- Sjølvbetjent heis i terapibassenget – slik at brukarar kan koma seg i og ut av bassenget ved eiga hjelp.
- Rampe for rullestol på baksida av rådhuset – inngang kommunestyresalen (rullestolbrukar kom seg ikkje inn i kommunestyresalen via heisen på forrige møte)
- Må oppretthalda stillinga som ungdomskoordinator (førebyggjande helsearbeid og viktig ungdomstiltak)
- Må styrka skulehelsetenesta og få etablert helsestasjon for ungdom lokalt.
- Psykisk helse og rusomsorg er eit område som framleis må ha stort fokus.
- Viktig med dagtilbod til flest mogleg heimebuande eldre – mange er einsame. Brukarstyrte dagtilbod må byggast ut.

Rådet etterlyser bustadsosial handlingsplan – det er behov for kommunalt bustadtilbod til ulike grupper.

Rådet framhevar den viktige funksjonen Frivilligsentralen gjer på ulike felt – særleg overfor eldre heimebuande – med middagskjøring – eit viktig tiltak som bidreg til å skapa tryggleik i heimen. Frivilligsentralen bidreg også med hjelpande hender på mange andre område. Frivilligsentralen må inkludera alle – også menneske med nedsett funksjonsevne – t.d. på turar til

sørlegare breiddegrader – der denne gruppe ikkje får vera med.

Eldrerådet sine innspel til budsjett for 2017:

1. Eldrerådet etterlyser eit dagtilbod for ulike brukargrupper blant eldre og blant personar knytt til rus- og psykiatriomsorga som ikkje har lovfesta rett til tilbod. Rådet har inntrykk at det er eit udekkja behov, og ber om ei kartlegging. Å sikra dagtilbod for personar med behov vil vera forebyggjande og gje stor auke i livskvaliteten. Eldrerådet vil be administrasjonen om å vurdere bruk av midtre del av tidlegare Radøy sjukeheim til dagsenter.
2. Rådet hadde ei drøfting kring situasjonen for omsorgspersonar som treng avlastning. Det kan hjelpa mykje på motivasjonen deira dersom dei kan forutsjå feriar og fridagar. Ei ordning der det vert avsett eit visst tal rom som inngå i ei rullerande avlastningsordning, kan spare mykje krefter. Eldrerådet vil i første omgang be om at behovet vert kartlagt. Rådet vurderer avlastning som eit området der ein bør få på plass ei god og stabil ordning. Eldrerådet ber om at behovet for avlastningsplassar vert kartlagt. Det er viktig at omsorgspersonar får ein forutsigbar kvardag der dei til ei kvar tid veit når dei får avlastning.
3. Rådet drøfta også vedlikehald på offenlege bygg. Ein var samd om at ein rår til ein gjennomgang av korleis tilgjengelege ressursar vert nytta. Rådet ser også for seg at mange frivillige kan bidra på dette området. Eldrerådet ser at forfallet er stor på kommunale bygg og kommunale bustadar. Dette gjeld også utvendig reinhald av veggar, takrenner og liknande som medfører kortare levetid på bygningsmassen. Eldrerådet ber om at ein vurderer ressursutnyttinga.

Rådmannen sitt framlegg til vedtak:

Det vert ei felles drøfting kring eit utval aktuelle saker.

Radøy eldreråd - 004/2017

ELD - handsaming:

Samrådsmøte mellom formannskapet og eldrerådet og råd for menneske med nedsett funksjonsevne:

Ordføraren kalla dette for eit historisk møte og inviterte råda til å koma med innspel og forvetningar til politisk og administrasjon. Leiarane i dei to råda, Jannicke Helland i RMNF og Norvald Elvik i eldrerådet informerte om kva saker dei jobbar med og er opptekne av. Dei gav uttrykk for at råda har greie arbeidsvilkår. Formannskapet framheva dei to råda som ein viktig ressurs i sitt arbeid. Det vart drøfta korleis dei to råda kan verta betre kjend og profilert mellom innbyggjarane og brukargruppene, t.d. gjennom heimeside.

Kommunalsjef for helse og omsorg, Mette Fauskanger, orienterte om planar og sentrale oppgåver på sektoren framover. Først på plane står ei lokal forskrift in tildeling av bustad som råda får til uttale. Kommunedelplan for helse og omsorg, omsorgs/velferdsteknologi, og betre rusomsorg står sentralt og er planlagt vedteken våren 2018. Kommunalsjefen informerte også om at Radøy kommune skal i gang med pårørande-skule innan demensomsorga i løpet av året. Kommunalsjefen sa også at ho gjerne vil ha innspel og besøk av leiarane i dei to råda. Ordninga med avlastningsplassar på Velferdssenteret var også ei sakene som vart drøfta.

Ordføraren inviterte til eit vidare samarbeid mellom formannskapet og råda, noko medlemmane i råda helsar velkomen. I første omgang legg ordføraren opp til eit nytt samrådsmøte i samband med budsjettprosessen til hausten.

ELD - vedtak:

Det vert ikkje gjort vedtak i saka. Råda og formannskapet ser fram til tettare samarbeid framover.

Råd for menneske med nedsett funksjonsevne - 006/2017

RMNF - handsaming:

Samrådsmøte mellom formannskapet og eldrerådet og råd for menneske med nedsett funksjonsevne:

Ordføraren kalla dette for eit historisk møte og inviterte råda til å koma med innspel og forvetningar til politisk og administrasjon. Leiarane i dei to råda, Jannicke Helland i RMNF og Norvald Elvik i eldrerådet informerte om kva saker dei jobbar med og er opptekne av. Dei gav uttrykk for at råda har greie arbeidsvilkår. Formannskapet framheva dei to råda som ein viktig ressurs i sitt arbeid. Det vart drøfta korleis dei to råda kan verta betre kjend og profilert mellom innbyggjarane og brukargruppene, t.d. gjennom heimeside.

Kommunalsjef for helse og omsorg, Mette Fauskanger, orienterte om planar og sentrale oppgåver på sektoren framover. Kommunedelplan for helse og omsorg, omsorgs/velferdsteknologi, og betre rusomsorg står sentralt. Kommunalsjefen informerte også om at Radøy kommune skal i gang med pårørande-skule innan demensomsorga i løpet av året. Kommunalsjefen sa også at ho gjerne vil ha innspel og besøk av leiarane i dei to råda, Ordninga med avlastningsplassar på Velferdssenteret var også ei sakene som vart drøfta.

Kommunalsjef for helse og omsorg, Mette Fauskanger, orienterte om planar og sentrale oppgåver på sektoren framover. Kommunedelplan for helse og omsorg, omsorgs/velferdsteknologi, og betre rusomsorg står sentralt. Kommunalsjefen informerte også om at Radøy kommune skal i gang med pårørande-skule innan demensomsorga i løpet av året. Kommunalsjefen sa også at ho gjerne vil ha innspel og besøk av leiarane i dei to råda, Ordninga med avlastningsplassar på Velferdssenteret var også ei sakene som vart drøfta.

Ordføraren inviterte til eit vidare samarbeid mellom formannskapet og råda, noko medlemmane i råda helsar velkomen. I første omgang legg ordføraren opp til eit nytt samrådsmøte i samband med budsjettprosessen til hausten.

RMNF - vedtak:

Det vart ikkje gjort vedtak i saka. Råda og formannskapet ser fram til tettare samarbeid framover.

